



A Rede Museística Provincial a través do departamento de didáctica pon a disposición dos centros escolares a súa nova programación para o curso 2015/2016 coa idea de fomentar o achegamento do alumnado ao patrimonio conservado na Rede.

Coa nosa longa experiencia e o apoio de numerosos docentes que participaron en precedentes cursos procuramos tender pontes de colaboración entre diferentes espazos educativos, presentando actividades lúdicas pero rigorosas con contidos que

entroncan coas programacións escolares.

Para concertar a realización de calquera das actividades que presentamos este curso deberase contactar co departamento de Didáctica do Museo por teléfono ou correo electrónico.

Actividades escolares

Crea o teu museo

Metodoloxía: Desde a Rede Museística invitámosvos a que creedes o voso propio museo a partir dun diálogo aberto coas nosas coleccións e cos profesionais que traballan neste espazo.

Nivel educativo: 3º, 4º, 5º e 6º de Educación Primaria.

Museo relator de historias

★ Historias ilustradas

Metodoloxía: Vivimos nun mundo absolutamente visual, no que as imaxes nos contan historias que se viralizan e chegan a todos os rincóns do mundo e a todo tipo de xente. Imos crear unha historia en grupo a través das imaxes que cada alumno capte ó longo da nosa visita. Cada neno sacará unha foto co seu teléfono ou coa súa cámara, dunha peza, dun personaxe, do que queira ou máis lle chame a atención, e entre todos crearán unha historia común a partir de todas as imaxes recollidas. O relato resultante formará parte da nosa historia, mais tamén da vosa, porque despois cada unha das historias se irán subindo ao facebook e ás nosas redes sociais para que todos poidamos acceder a elas e compartilas.

Nivel educativo: ESO

O Museo como retrovisor histórico

Metodoloxía: As coleccións do museo permitirán ao alumnado interpretar os vestixios do pasado e analizar a súa importancia no desenvolvemento da nosa cultura .

Nivel educativo: 4º, 5º e 6º de Educación Primaria e ESO.



Viaxes polos Museos da rede

★ Pazo en Danza

Metodoloxía: Aos habitantes do Pazo de Torgustáballes a música, haimostradiso nos instrumentos musicais e mesmonascaadeiras con forma de lira. Imosviaxarpola historia a través da música, pero da música que se bailaba. Coñeceremos as danzas da época dos pazos, os bailes populares, as músicas do século XX e inventaremos como serán os bailes do futuro.

Nivel educativo: Educación Primaria.

★ De safari polo Pazo

Metodoloxía: O Museo Pazo de Tor tamén agocha historias que non só teñen que ver coas persoas, tamén nos fala dos animais, animais de aquí pero tamén doutros continentes. Neste safari trataremos de ir na procura deles e se é posible cazalos coa cámara. Pero non será doado cazalos todos, xa que algúns están escondidos e outros camuflados, ben poden facer de bastón, ou tamén poden figurar nun floreiro.

Departamento de Didáctica

(34) 982 165 534

pazodetor@museolugo.org

